

www.BibleForChildren.org

MATTHEW 8



Naa aso e lua ku oti te llaka, i te ttoru naa aso raa, naa tama te matakaaina i Kana iloto Galilee raa e mee te kaikai te takarua e aavvana. Te tinna Jesus raa e noho i te kina naa. Jesus ma ana disaipol raa hoki ni arumia ki oo ake ki te kaikai naa.



Saaita naa wain raa ni oti, te tinna Jesus raa ki mee ake ki Jesus, “Naa wain naa tama naa ku oti.” Te tinna Jesus raa ki mee ake ki naa tama e mee naa heuna te hare, “Kootou haia naa vana tama nei e mee atu ki kootou.”



Teena ki mee ake Jesus ki naa tama e mee naa heuna te hare, “Utuhia naa huaarani naa ki naa vaiua.” Naa tama naa ni massike no utu naa huaarani naa no ppii.



Jesus ki mee ake hoki, “Kootou asu mai ni vai i naa huaarani naa no kauake ki te tama e mee tana kaikai nei ki unu.” Teenaa ki too naa tama naa naa vai raa no kauake ki te tama e mee tana kaikai.



Te vai naa ku oti te huri no mee ma se wain. Ttama naa ni see iloa maa tana wain e unu raa ni too ake naa tama naa i hea (tevana iaa, ana poe raa ku oti te illoa i te vana Jesus ni mee).



Teenaa ki kannaatia ake a ia te tanata e aavana raa no mee ake, “Taatou hakkaatoa maraa e taki naa wain taukalleka raa i te kaamata.

Ki oti are naa wain see taukalleka raa ku toomai, i te saaita naa tama raa ku vware hakkaatoa.

A koe iaa ni tiiake naa wain taukalleka raa ki te saaita nei!”




Teenei ko te saaita mua Jesus ni hakasura naa mahi
TeAtua. A ia ni hakasura naa vana
nei i Kana, iloto Galilee.
Teenaa ko tana kina ni
hakassaa ana mahi no
illoa ana disaipol maa la
ko te Tama TeAtua.



Jesus ni hano ki te hare Peter, teenaa kite iloo ia te hinaona ffine Peter raa e moe i aruna ana moelana raa, ka makalliliri.



Teena kapaatu iloo Jesus no tauhia a la te rima te
ffine naa no taukareka iloo te ffine naa. Araa masike
iloo te ffine naa no kauake naa kaikai naa tama naa
ki kkai.



Te laasuru naa, te saaita te laa ni suru raa, te henua ni
too ake naa maki hakkaatoa aa ma naa tama e tauria
naa tippua raa ki Jesus.


Te kano henua te
matakaaina naa ni
kkutu ake katoos i haho
te tootoka te hare.



Jesus ni haia a la te lopo tama e mmaki i te kau maki no taukalleka, aa naa tama e tauria naa tippua raa ni haia a la hoki no taukalleka. Teenaa naa tippua ni tau i naa tama naa ni puuia a la ki see taratara, i naa tippua naa e illoa i aa la.




Naa tama hakkaatoa i te kina naa ni mee ma ki ppa
naa rima laatou i te haitino Jesus, i teelaa ni mahi raa e
ssura mai iaa la,
teelaa e mee
ai laatou
no taukalleka.



Teelaa se takahaa taanata e ssau ake te tanata see
lavaa te sasare ki Jesus.



Tevana iaa naa tama naa ni see
lavaa te hakasao atu ma te tama see
lavaa te sasare raa ki Jesus,
i te hare raa e kkapi ttama.




Teena ki kkake naa tama naa no
hakahotu te taffuu i aruna te kina
Jesus e noho, no hakatere
iho te tanata naa i aruna
ana moelana
kimua Jesus.



Te saaita Jesus ni kite maa naa tama naa e taaohi manava iaa la raa, a la ki mee ake ki te tanata see lavaa te sasare, “Taku tama, oo haisara e uiia a nau.” “Nau e vanaatu kiaa koe, masike no too oo moelana naa aa koe ku hano ki hare!”




Jesus ni kake ki loto te poti raa no tere iloo laatou ma ana disaipol. Naa tama naa ni hakatekia i te lani e lasi raa ku llau ake, teenaa te poti laatou naa ni kaakea naa peau raa no taupiri laatou ki apuru; i te saaita naa raa Jesus e moe mannuu.



Teena ki huri atu Jesus no mee ake ki laatou, “Ai kootou e mattaku ai? Kootou ku hakattina nataa peehea?” Teena masike iloo Jesus no varo ake ki te matani ma naa peau raa ki ttuku. Teena marino kkii iloo te moana. Naa tama naa ni massaro iloo iaa la. Laatou ni ffuri no taratara soko laatou peelaa, “Teenei se tama peehea, maa te matani ma naa peau

raa ki tuku atu ki ana vana?”



TeAtua e aroha i naa tama hakkaatoa i te
maarama nei, teenaa ki heuna mai tana
Tama raa ki te maarama nei. Ki mee se
tama peehea e illoa maa la ko te Tama
TeAtua raa, ttama naa ma ki see
lavaa te mate. A ia ma ki too te
ora e takoto see
lavaa te
oti.



ROME 3:23

Taatou hakkaatoa ni tama haisara, teenei e mmao ai taatou i te laaoi TeAtua.

ROME 6:23

Naa tama e ppena naa haisara raa ma ki mmate hakkaatoa. Te mee e taukareka TeAtua e hookii vare raa iaa, teenaa ko te ora maaoni i Jesus Christ, TeAriki taatou.

HEBREWS 9:27

Naa tama hakkaatoa e takkoto naa aso laatou ma ki oti ku mmate, teenaa ko te saaita koi tokotasi laatou ma ki mmate. Aa ki muri raa TeAtua ku hakatonutonu laatou.



EPHESIANS 2:8,9

Teena ko te laaoi TeAtua teelaa ni ssao ai kootou, i kootou e lotu. Kootou ni see hakassaoria maa i naa vana taukalleka kootou e mee, seai. Teena se taukareka TeAtua e hookii vare ki kootou, aa kootou ki see lavaa te ahu i te mee naa.

ROME 10:9,10

Ttiputipu te lotu maaoni raa e takoto peenei: Ki mee koe e taratara maa Christ ko TeAriki, ka iloa hoki maa Christ ni hakamasikeria TeAtua i te mate, koe ma ki oti ku hakasaoria TeAtua. I te aa, naa ora taatou e ttonu imua TeAtua i taatou e illoa maaoni iaa la, aa taatou ma ki hakassaoria TeAtua i taatou e taratara maa Christ ko taatou Ariki.



JOHN 3:16,17

TeAtua e aroha i naa tama hakkaatoa i te maarama nei, teenaa ki heuna mai tana Tama raa ki te maarama nei. Ki mee se tama peehea e illoa maa la ko te Tama TeAtua raa, ttama naa ma ki see lavaa te mate. A ia ma ki too te ora e takoto see lavaa te oti. TeAtua ni see heuna mai tana Tama naa ma ki au no hakatonutonu te henua. Seai. Tana tama naa ni kkave mai ki au no hakaora naa tama te maarama nei.

1 JOHN 5:11-13

Naa taratara TeAtua raa e mee peenei: Te ora e ora hakaoti raa ku oti te kaumai TeAtua ki taatou, aa te ora nei e hakatahito i tana Tama. Te tama e iloa maaoni i te Tama TeAtua raa e taka ma te ora nei; te tama see iloa i te Tama TeAtua raa iaa see taka ma te ora maaoni. Nau e sissii atu naa taratara nei ki illoa kootou maa kootou e ttaka ma te ora e ora hakaoti, teenaa ko kootou naa tama e illoa i te Tama TeAtua.



MATTHEW 8-9; MARK 1-2, 4; LUKE 4, 8; JOHN 2

Storyline by: Edward D. Hughes

Illustrated by: Byron Unger, Lazarus
and Alastair Paterson

Adapted by: E. Frischbutter, Sarah S.

Takuu NT (nho) Copyright 2009 Translation Committee of
Taku, Mortlock Community CC-BY-ND

<https://live.bible.is/bible/NHOTCT/MAT/1>

©2026 Bible for Children, Inc.

www.M1914.org

www.bibleforchildren.org

